

SAAN KURA KA KUMALASETA JAMANA MA

(Wagadugu, sanlabankalo tile 31nan loon

Burukina Faso jamaw

Jenɓogɔn minw bi keɛ ke hɔrɔnya kanma, here, yeretigiya ani yeremahɔrɔnya lakika kanma;

Bonya ni nisɔndiyaba lo ne fe ka kuma aw fe nin saan kura 2024 damine nin na walisa ka saan kura foli lase Burukina Faso Jamanadenw ma minw bi jamnakɔnɔ ani jamanakɔkan, Burukina Faso teriw n'a baarakeɓogɔnw, aw ni saan kura.

An ka barika la Ala ye, ale min kera sababu ye an sera ka nin loon nin sɔrɔ min bi ben saan 2023 laban ma. An ka Ala deli fana mɔgɔw ye, minw y'o niin di Burukina Faso ka yeremahɔrɔnya kanma an ka mara mineko kura ra Ala k'o niinw lafiya Burukina Faso dugukolo hɔrɔnyali kan.

An b'a deli Ala fe tugu ko a ka keneya di mɔgɔ bee ma, minw jogi na nintɔrɔwale nin kanma ani minw ye keleba jamine an ka hɔrɔnya kanma.

An lɔra jenkafo ra ni mɔgɔw ye, minw bee wilila ka bo o sigiyɔrɔw ra ka ke bi duguden kelapabolibagaw ye, o minw weele faransikan na ko depilase enterini.

Jenɓogɔnw,

Saan 2023 kera saan ye, o min kɔnɔ, an ye segesegeli gwelew ke Burukina Faso kunkan koow kan. Saan min kɔnɔ an ye segesegeli gwelew ke Burukina Faso ka kunkow kan minw b'a ka jataga nagasi, o kera sababu ye ka se ka benkan nafamaw ta. O benkanw tun ye ka jɔnya, benkanifanga, koloniyalisimu kura ka donɓɔnnajɔrɔko folɔw tije. Sabu, o ko, i ti se ka jigiya sɔrɔ k'i ka feen tununin ye n'i bi deme jini na a sonyanibaga fe.

Saan 2023 kera saan ye min kɔnɔ, feere caaman bilara seen kan. sanlabankalo tile 11 temenin, i n'a fo an y'a kunbabafɔ cogo min na, ka jasin an ye feere minw bee ta lafasali sirakan, keneyako ra, dunkafa sirakan fana, yiriwali feere caaman ni lizinibaaraw daminena. Nin ye tuma ye ne fe ka foli lase burukinabew ma o ka mupuli koson, k'a sababu ke kele nin kun faamuyali ye walisa ka jamana mine kura ye ani ka Burukina Faso ka yeremahɔrɔnya lakika sɔrɔ.

Saan 2024 bina ke saan ye, o min kono an bina taga ni kele ye na. An bina to ka jonya donjonnajorokow tije, ka koloniyalisimu kura donjonnajorokow tije, o minw b'an bali ka nisondiya soro.

Ninan saan 2024 kono, an bin'an cesiri walasa ka demedeme ka jamana maraw mine kura ye ani ka kele fanga bonya. O le y'a to latangali sirakan, an bina kelebolo folo siginin ye, an ye min weele ko, Birigadi sipesiali d'enterevansijon arapidi faransikan na (kelebolo jonjon teliman) min bina kelebolo teliman sugu bee fara jogon kan, kelebolo jonjon dow ka kulu ani kulu kerenkerennin do.

O bi ben tuma bee an ka kelebolo labenni kura ma, a ka focogo kura, fanga suguya sigiyoro kura walisa ka se ka latangaliko janabo. Minanko bololanin do ani fanga sugu labenni kuraw bololanin do dabora saan 2023 ra. O bina ke saan 2024 ra ni latangali feere gwiliman kura nani ye ani kelebolow ka tasuma fanga bonya ye. Ka fara nin yoro nin kan, an k'a lon ko saan 2024 fana bina ke gweleya saan ye bari an ye lapiniw sigi an yere ye ka taga fanga seginni sira kan ani fana ka nasin duguden keleja bolibagaw seginni ma o ka sigidaw ra ani o ka latangali.

Saan 2023 kono, i n'a fo n y'a fo aw ye cogo min na, feere caaman daminena ani saan 2024 kono, an bina se ka do fara o bee kan ani ka feere damineninw waleya tije na, kerenkerennan, Jamanakuntigi ka yeremahoronya ka taga dunkafa faan fe ani senebaara minisiriso ka baara min bilara seen kan kosa nin na ka nasin benkanni min bi sene ni bengenmara kafobaara ra. . Kanpaji jalan nin bi senna nin wale fila nunu ka hukumu kono walisa an ka se, saan 2024 kono, ka se ka dunkafa yeremahoronya soro, walima ka gere a ra..

Nin ye gweleya ye an bolo, o le kanma ne b'a jini Burukinabew fe, o ka nin wale nunu ke o yere ta ye ani k'aw yere labo aw bi yoro o yoro walisa Jamana fana ka se k'aw deme walisa an ka se ka nin gweleya nin kunben.

.ka taga lizinibaara faan fe, ani feen o feen bi se ka taga o sira kan min bi se ka do fara jagokela jagwelen nunu bee ka baara kan, o minw b'o seko bee ke walisa ka baara ke Burukina Faso sigida suguyaw ra, feere caaman bina tige ta taga o faan fe. .APEKI daminena ka ban walisa ka sira di an ma ka se ka lizini hake do soro. Feere caaman bina ta saan 2024 kono ka taga o koo nin faan fe.

Saan 2024 kɔnɔ, an bin'a jini Burukinabew fe tugu, o ka Jamanakuntigi ka baarabololanin ta sigida yiriwali kanma. Keneyako segesegeli kofe i n'a fo an y'a fo cogo min na sanlabankalo tile 11 loon na, an ka kan ka se k'an ka dugubaw lo kura, ye ani k'o saniya.

O koson, a bin'a jini Jamanadenw fe , o ka nin wale nin ta ka ke o yere ta ye, k'o niin don saniyabaaraw ra, ka dugubaw sigi senkan ani ka se k'a ke an ka sigidaw ka diya ka teme folo kan walisa banakise dow, an tun ye minw sorɔ, o kana se ka bo kene kan kura ye jinan saan nin kɔnɔ.

An bi kele min kera bi, o fana ye seko ani lonko kele ye. I n'a fo aw a y'a korosi cogo min na, gweleya nin segesegeli ko, an y'a faamu ko walifasomara n'o b'a weele kolonizasiyon faransikan na y'an bo an baju ra (an jinana landako caaman ko). An bonona an ka lonko ani korolenko (landakow) ra, an ka landalako puman min b'an kalan here, jɛnɔgɔnya, ɔgɔndeme na. An bonona o nafa nunu na. O le y'a to an b'a fe ka loyɔrɔba di lonko ani korolenko ma an ka kele nin na.

O le y'a to an y'an ka siyakanw wangola ani ka tonba sigi senkan o togo ra k'a bo sariyasun fe, Furancefanga ka Asanbile Nationali sonna min na sisan. Nin koo nin ka kan ka ke sababu ye an bi seg'an ka korolenkow landakow, seko ani lonkow kan walisa ka se ka nin jɛnɔgɔnya nafaw lasegin, an bi minw jinina kosobe, ani here, mupuli ani ɔgɔndeme nafa nunu.

Ka taga surafendi faan fe, do farara o koo nin kan saan 2023 ra. Saan 2024 kɔnɔ, an b'a fe ka surafendi kele damina. Nin ye tuma ye n fe ka weeleli lase nin baaradabaw ni baaradabolo nunu ma minw bi surafendi kele, o k'o cesiri ka do fara o ka baaraw kan walisa an ka nin koo nin tunu pewu ka bo an ka Jamana kɔnɔ.

Jɛnɔgɔnw;

An lar'a ra ko an bi sira puman kan, temesira min an sonna ra. Sira min an y'a ta an ka hɔrɔnyali kanma an ka yeremahɔrɔnya kanma walisa Burukina ka ɔtaga sorɔ. An lar'a ra ni Burukina Faso Jamanadenw ye, an hakili siginin lo ko an bi kele min kera ye kunkɔrɔta kele ye Burukina Faso fe, AYEYESI fe (Sayeli Jamanaw ka bolodipɔgɔnma) ani Afiriki beɛ lajennin fe.

N b'aw fo saan kura 2024 foli ra kosebe; saan min fanin lo keneya ra , keke saan , saan min kono Burukinabew bee bina se ka kanuya sene o ni jagon ce ; saan min kono, an b'a fe burukinabew k'o ka benbaliya bila gerefe walisa ka sinijnsigi sira file jagon fe ; nisondiya saan , o saan min kono bee jigi (haminakow) bina dafa (tugu).

N ti se ka kuma kuncen n' in ma barika la Burukina Jamanadenw ye , olu minw ye keke koro faamuya, n'o y'o cesiri suu ni tile, Jamanadenw korosili sababu ra walisa ka nin Furancefanga nin latanga. Bari o b'a fo ko jugu ma a ka kekeke daba bila folo; a mana ke Jamanakono walima Jamana kakan ye, benkanifanga bi baara ra hali bi.

Burukina Jamandenw ni ce keke min an b'a kera koson, ani n bi mago bee fo, minw bee bi yoro surun walima yorojan na n'o b'an deme hali n'o bi dugu kono walima dugu kakan, dija faan bee, o minw bi Burukina Faso demena nin keke nin na

Kunkorota bi Burkina Faso ye!

Ala ka Burkina Faso latanga!

Faso walima saya, se y'an ta ye

Furancefanga jamagaba,

Jamanakuntigi,

Kapiteni Ibirayima TARAWORE,